



Saksnr.	Utval	Møtedato
123/23	Kommunestyret	05.10.2023

Val av representantar til styret i Bordgleder KF

KOST- 123/23 Vedtak:

Noverande styre vert valgt fram til arbeidet med nytt kjøkken er på plass våren 2024.

Kommunedirektøren sitt framlegg til vedtak:

Kinn kommunestyre vel 4 faste representantar og 4 vararepresentantar, samt leiar og nestleiar, til styre i Bordgleder KF 2023-2025:

Leiar:

Nestleiar:

Medlemmar:

Varamedlemmar:

Bakgrunn for saka:

Det skal veljast nytt styre for Bordgleder KF. Kinn kommunestyre vel 4 faste medlemmar, 4 varamedlem, samt leiar og nestleiar for styret. Det skal også veljast ein representant for dei tilsette. Styret veljast for 4 år.

Kommunestyre valde nye representantar til styret i Bordgleder KF 15.03.2022 i sak 031/22. Kommunestyret kan sjølv når som helst ved nyval skifte ut styremedlemmer som dei sjølv har valt jf. §9-7 i kommunelova.

Kommunelova § 9-7. Valgperiode for styremedlemmene

Valperioden for styremedlemmer er to år dersom ikkje anna er bestemt i føretaket sine vedtekter. Valperioden kan ikkje vere meir enn fire år.

Når særlege forhold ligg føre, har eit styremedlem rett til å tre ut av styret før valperioden er over.

Kommunestyret kan sjølv når som helst ved nyval skifte ut styremedlemmer som dei sjølv har valt.

Saksopplysningar:

Bordgleder KF Kinn kommune er eit kommunalt føretak oppretta med heimel i kommunelova kap. 9.

Bordgleder er ein totalleverandør av mat til Kinn kommune og andre større og mindre kundar. Dagleg spiser 450 personar mat levert frå Bordgleder, frå Sognefjorden i sør til

Romsdalen i nord.

Føretaket er ikkje eige rettssubjekt. Verksemda er eigd av Kinn kommune. Kinn kommune er arbeidsgjevar for dei tilsette i føretaket. Personalforvaltninga i føretaket skal fylgje det til ein kvar tid gjeldande avtaleverk for dei tilsette i kommunen. Føretaket skal registrerast i Føretaksregisteret.

I vedtektene til Bordgleder KF står det følgjande:

§7 Styret

1. Tal medlemer

Styret skal ha 5 medlemer med personlege varamedlemer.

2. Krav til kompetanse

I styret bør det mellom anna vere kompetanse innan produksjonsfaglege spørsmål, økonomi og personalforvaltning.

3. Val av styre

Kinn kommunestyre vel sjølv representantane til styret, og leiar og nestleiar. Styreleiar, nestleiar, medlemer og varamedlemer vert valde for to år. Eitt av dei fem styremedlemane og ein personleg varamedlem vert valt blant dei tilsette, etter innstilling frå dei tilsette, jf.. kommunelova § 9-6. Styremedlem og varamedlem skal veljast frå ulike avdelingar i føretaket. Varamedlemene kan delta i styremøta med møte- og talerett.

4. Dei tilsette sine representantar

Styrerepresentanten for dei tilsette har ikkje rett til å delta i handsaming av saker som gjeld arbeidsgjevar si førebuing til forhandlingar med arbeidstakarar, arbeidskonfliktar, rettstvistar med arbeidstakarorganisasjonar eller oppseiing av tariffavtaler. Dersom føretaket har mynde til å treffe einskildvedtak eller fastsette forskrifter, jf.. forvaltningslova § 2, skal denne styremedlemmen ikkje delta i handsaming av desse sakene.

5. Dagleg leiar

Dagleg leiar kan ikkje vere medlem av styret.

6. Fritak og suppleringsval

Spørsmål om fritak, uttreten eller nyval av styremedlem vert handsama av kommunestyret. Ved endeleg uttreten eller varig forfall, skal det haldast suppleringsval for resten av perioden.

§8 Styret sitt mynde

1. Styret leiar føretaket og har mynde til å treffe avgjerd i alle saker som gjeld føretaket og føretaket si verksemd.
2. Styret har ansvar for at verksemda vert drive i samsvar med føretaket sitt formål og vedtekter, kommunen sin økonomiplan og årsbudsjett, andre vedtak eller retningslinjer fastsett av kommunestyret og i samsvar med lov og forskrifter.
3. Styret har ansvar for at saker som skal handsamast i kommunestyret er tilstrekkeleg førebudd. Styret set i verk kommunestyret sine vedtak.
4. Vedtak om låneopptak krev samtykkje av kommunestyret.

5. Styret skal sjå til at det vert ført lovmessig rekneskap av føretaket for heile føretaket si verksemd slik det er skissert under §4. Revisjon skal utførast av kommunerevisjonen. Kommunen sitt kontrollutval er ansvarleg for føretaket sin revisjon.
6. Styret skal levere sitt framlegg til handlingsprogram, budsjett og økonomiplan etter kommunelova sine reglar til Kinn formannskap som så innstiller til Kinn kommunestyre for endeleg vedtak. I handlingsprogrammet skal det gå fram korleis føretaket skal sørge for fagleg utvikling for dei tilsette. Budsjettet skal vise alle inntekter og utgifter knytt til føretaket si verksemd.
7. Styret tilset dagleg leiar.
8. Styret har mynde til å opprette og legge ned stillingar.
9. For dei kommunale føretaka gjeld dei til ei kvar tid gjeldande særlover, som kommunelova, tariffavtale, avtaleverk og kommunale retningslinjer.
10. Styret skal føre tilsyn med dagleg leiar si leiing av verksemda.
11. Styret har instruksjons- og omgjeringsmynde overfor dagleg leiar.

Aktuelle lover, forskrifter, kjelder:

[Kommunelova kapittel 9](#)

[Kommunelova § 9-7. Valgperiode for styremedlemmene](#)

Behandling i Kommunestyret 05.10.2023:

Framlegg frå alle partia, foreslått av Frank Willy Pedersen Djuvik, Kinn Fremskrittsparti
Noverande styre vert valgt fram til arbeidet med nytt kjøkken er på plass våren 2024

Forslag frå KrF, foreslått av Gustav Johan Nydal, Flora KrFKinn Kristelig Folkeparti
Styret i KF bordgleder vert gjenvalgt fram til 30 juni 2024

Røysting:

Det vart votert alternativt over framlegg frå alle partia v/repr. Djuvik og forslag frå KrF v/repr. Nydal. Framlegg frå alle partia vedtatt mot 1 røyst frå KrF v/Nydal.

KOST- 123/23 Vedtak:

Noverande styre vert valgt fram til arbeidet med nytt kjøkken er på plass våren 2024.

Vedlegg i saken:

Bordgleder KF, vedtekter